



საქართველოს ეკონომიკისა და მდგრადი განვითარების სამინისტრო
საქართველოს ინოვაციების და ტექნოლოგიების სააგენტო
(საჯარო სამართლის იურიდიული პირი)



საქართველოს ინოვაციების
და ტექნოლოგიების სააგენტო

შენობის მოწყობილობების შეკეთების და ტექნიკური მომსახურების **(CPV-50700000)** სახელმწიფო შესყიდვა
გამარტივებული ელექტრონული ტენდერის საშუალებით

შესყიდვის სავარაუდო ღირებულება - 96 000 (ოთხმოცდათექვსმეტი ათასი) ლარი
პრეისკურანტის სავარაუდო ღირებულება - 35 983 ლარი.

წინამდებარე სატენდერო დოკუმენტაცია შედგენილია “სახელმწიფო შესყიდვების” საქართველოს კანონის და
“გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების
საფუძველზე.

ქ.თბილისი

2016 წელი

სატენდერო დოკუმენტაცია

1. ინსტრუქცია ტენდერში მონაწილეთათვის;
2. ტექნიკური დავალება;
3. პრეტენდენტის მიერ სისტემაში ასატვირთი დოკუმენტების ნუსხა;
4. სახელმწიფო შესყიდვის შესახებ ხელშეკრულების პროექტი;
5. დანართი №1 ფასების ცხრილი - პრეისკურანტი (ფორმა)
6. დანართი №2 რეკვიზიტები (ფორმა)




1. ინსტრუქცია ტენდერში მონაწილეობის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონული სისტემაში (შემდგომში - სისტემა);
- 1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად;
- 1.5. პრეტენდენტს არ აქვს უფლება წარმოადგინოს ალტერნატიული წინადადება;
- 1.6. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში, საკონტაქტო პირი:

ანა ხუციშვილი - ტელ 577 77 55 86;

ელექტრონული ფოსტა: akhutsishvili@gita.gov.ge



2. ტექნიკური დავალება:

2.1 სსიპ საქართველოს ინოვაციების და ტექნოლოგიების სააგენტოს შენობაში (ტექნოპარკში) არსებული მოწყობილობებისა და სისტემების ჩამონათვალი:

ჩილერი-1-MAXA HWAA-12543

გათბობის ქვაბი-2- GAZ X5/MCE-EL

კასეტური კონდიციონერი-10

ფანკოილი-55

ლიფტი-1

გენერატორი-1-ARKEN ARK-S425

ცხელი წყლის საცირკულაციო ნასოსი DAB-ის ფორმის

წყლის გამაცხელებელი ბაკი-1

ცხელი წყლის საცირკულაციო ნასოსი-2

კონდიციონერი-6

2.2 გასაწევი მომსახურების აღწერილობა

ა) ელექტრო-სისტემების მომსახურება

1. სადენების შემოწმება რომ არ გადახურდეს ან არ დაიწვას (ასეთის არსებობის შემთხვევაში მიმწოდებლის მიერ უნდა განხორციელდეს შესაბამისი პრევენციული ზომები), იზოლაციის შემოწმება სპეციალური ხელსაწყოს (მეგერის) საშუალებით 2 თვეში ერთხელ (და საჭიროების შემთხვევაში);
 2. გარე და შიდა განათების სისტემის სრულფასოვანი ფუნქციონირების უზრუნველყოფა;
 3. ელ ფარების ყოველკვირეული მონიტორინგი;
 4. ამომრთველების შეცვლა;
 5. ნათურების შეცვლა;
 6. დაზიანებული სანათების რემონტი/შეცვლა;
 7. პერიოდულად დენის ძალის (ამპერაჟის) კონტროლი ან საჭიროებისამებრ.
-

ბ) გაგრილების სისტემის მომსახურება

1. გაგრილების ცენტრალური დანადგარის ყოველკვირეული მონიტორინგი.
2. გაგრილების ცენტრალური დანადგარის და მთლიანი სისტემის გამორეცხვა და რადიატორის გასუფთავება 10 თვეში ერთხელ და საჭიროებისამებრ)
3. სისტემაში წყლის ან გლიკოლის წნევის კონტროლი
4. საცირკულაციო დანადგარების კონტროლი რომ არ მოხდეს გახურება ან არ გამოვიდეს მწყობრიდან საკისრები.
5. გაგრილების დანადგარების (ფანკოილი) ფილტრების გასუფთავება ჭუჭყისაგან ყოველ 6 თვეში ერთხელ და საჭიროებისამებრ.
6. სპლიტკონდიციონერების შეკეთება დაზიანების შემთხვევაში დაზიანებული დეტალის შეცვლა ფრეონის დამატება, ფილტრების გაწმენდა 6 თვეში ერთხელ, და საჭიროებისამებრ;
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ბ) ვენტილაციის სისტემის მომსახურება

1. ვენტილაციის ცენტრალური დანადგარის ყოველდღიური მონიტორინგი (და საჭიროების შემთხვევაში)
2. ვენტილაციის დანადგარის ფილტრების გასუფთავება თვეში ერთხელ (და საჭიროების შემთხვევაში)
3. დანადგარებზე ღვედისა და ძრავის შემოწმება, დაზიანებული ღვედის შეცვლა
4. ვენტილაციის კამერის თერმო დანადგარით შემოწმება თვეში ერთხელ (და საჭიროების შემთხვევაში)
5. ჰაერის ნაკადების ციფრული შემოწმება სეზონურად
6. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.

დ) გათბობის სისტემების მომსახურება (მოდელი: GAZ X5/MCE-EL)

1. გათბობის ცენტრალური დანადგარის ყოველკვირეული მონიტორინგი (და საჭიროების შემთხვევაში);
 2. გათბობის ცენტრალური დანადგარის და მთლიანი სისტემის გამორეცხვა (მინიმუმ ერჯერ ხელშეკრულების მოქმედების პერიოდში და საჭიროებისამებრ);
 3. სისტემაში წყლის ან გლიკოლის წნევის სისტემატიური კონტროლი;
 4. საცირკულაციო დანადგარების კონტროლი თერმო კამერის გამოყენებით, რათა არ მოხდეს გახურება ან არ გამოვიდეს მწყობრიდან საკისრები;
-

5. გათბობის დანადგარის (ფანკოლის) ფილტრების გასუფთავება და რეგულირება 6 თვეში ერთხელ და საჭიროებისამებრ;
6. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ე) წყალმომარაგების, კანალიზაციის /სან-კვანძების სისტემების მომსახურება

1. საკანალიზაციო სისტემის დასუფთავება და მოვლა პატრონობა საჭიროებისამებრ.
2. ქსელში წყლის წნევის მონიტორინგი
3. სახურავის სანიაღვრე სისტემის მოვლა/გამართული ფუნქციონირების უზრუნველყოფა.
4. დაზიანებების დროულად აღმოფხვრა

ვ) გენერატორის მომსახურება (რაოდენობა - 1 ცალი)

1. ჰაერის ფილტრების, ზეთის ფილტრების, საცხებ-საპოხი მასალების, ტენის საცირკულაციო ძრავის და აკუმულატორის დროულად შეცვლა
2. ყოველთვიური საავარიო გაშვება (და საჭიროების შემთხვევაში).
3. დანადგარის სრულფასოვან ფუნქციონირებასთან დაკავშირებული ინფრასტრუქტურის მომსახურება სრულად.
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ზ) ლიფტების მომსახურება

1. კაბინის ვენტილაციის, განათების, ღილაკების, საზეთურების, მიმართველების, ძრავის და მუხრუჭის, კაბინის შიდა სისტემის შემოწმება თვეში ერთხელ და საჭიროებისამებრ
 2. კაბინის ტროსების, შკივების, სიჩქარის შემზღუდველის, მცოცავების, ავარიული დახმარებისა და უწყვეტი კვების წყაროს შემოწმება არანაკლებ თვეში ერთხელ. კაბინის საფიქსირებლების, მართვის კარადის, ძრავის სამაგრის, კაბინის ავარიული დამჭერების, მუხრუჭის ხვიის, შახტის ელ. გაყვანილობისა და ავტომატური ამომრთველების შემოწმება და მუდმივი მონიტორინგი.
 3. დანადგარის გამართულ ფუნქციონირებასთან დაკავშირებული ინფრასტრუქტურის მომსახურება სრულად;
 4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები
-

2.3 დაზიანების შემთხვევაში საკუთარი ხარჯებით უზრუნველყოს დანართ N1-ში (პრეისკურანტში) მოცემული მომსახურების გაწევა და ძვირადღირებული დეტალების და მასალების შეცვლა ახლით, რომლის ანაზღაურება განხორციელდება ფაქტიურად შესრულებული სამუშაოების შესაბამისად.

მომსახურების განხორციელებისათვის აუცილებელი პერსონალის მინიმალური რაოდენობა, მომსახურების დრო:

სერვისის სამსახურის ხელმძღვანელი - არანაკლებ 1 (ერთი) პერსონა, ყოველდღიურად (შაბათ-კვირის გარდა) 10:00 სთ-დან 19:00სთ-მდე, შაბათ-კვირას საჭიროების შესაბამისად.

გენერატორის სპეციალისტი - არანაკლებ 1 (ერთი) პერსონა, ყოველკვირეული მონიტორინგი და შეკეთების საჭიროების შესაბამისად მომსახურება.

ტექნიკოსი - არანაკლებ 1 (ერთი) პერსონა, ყოველდღიურად 09:00სთ-დან 20:00სთ-მდე.

ელექტრიკოსი - არანაკლებ 1 (ორი) პერსონა, ყოველდღიურად 24 სთ-ს

სერვისი სამსახურის ხელმძღვანელი და ტექნიკური პერსონალი უნდა იყოს კვალიფიციური, უნდა გააჩნდეთ შესაბამის ტექნიკასთან მუშაობის გამოცდილება, უზრუნველყოფილი უნდა იყოს შესაბამის ხელსაწყოებით, ინვენტარით და უნიფორმით.

სერვისი სამსახურის ხელმძღვანელს და ელექტრიკოსებს უნდა გააჩნდეთ მაღალ და დაბალ ძაბვაზე მუშაობის დაშვების უფლების დოკუმენტი.

შენიშვნა: გარდა ამისა, ყოველდღიურად შეიძლება წარმოიშვას გაუთვალისწინებელი და დაუგეგმავი სამუშაო. შეიძლება ცენტრალური დანადგარები გამოვიდეს მწყობრიდან, პრავებს, კონდენსატს, ფანკოილებს, გენერატორს, ავტომატურ გადამრთველებს, წყალმომარაგების, კანალიზაციის, სანიაღვრე და სახანძრო სისტემებს შეექმნას პრობლემა, დენის წყაროებთან დაკავშირებით წარმოიქმნას პრობლემა, რომლის აღმოფხვრისათვის საჭირო გახდეს არასამუშაო საათებში შესაბამისი სამუშაოების ჩატარება და ა.შ.

- მომსახურების გაწევის პროცესში შემსყიდველისთვის მიყენებული ქონებრივი და არაქონებრივი ზიანის ანაზღაურება მიმწოდებელმა უნდა უზრუნველყოს სრულად, საკუთარი ხარჯებით. აღნიშნული ზიანის წარმოშობის შემთხვევაში, ზიანის აღმოფხვრა უნდა განხორციელდეს შემსყიდველთან შეთანხმებით გონივრულ ვადაში.

შენიშვნა: გარდა ამისა, ყოველდღიურად შეიძლება წარმოიშვას გაუთვალისწინებელი და დაუგეგმავი სამუშაო. შეიძლება ცენტრალური დანადგარები გამოვიდეს მწყობრიდან, პრავებს, კონდენსატს, ფანკოილებს შეექმნას პრობლემა, დენის წყაროებთან დაკავშირებით წარმოიქმნას პრობლემა და ა.შ.

დაინტერესებულ პირებს შეუძლიათ ადგილზე გაეცნონ ობიექტს.

2.4 მომსახურების გაწევის ვადა, ადგილი და პირობები

2.4.1 მომსახურება სავალდებულოა განხორციელდეს 2016 წლის 01 მარტიდან 2016 წლის 31 დეკემბრის ჩათვლით, შემდეგ მისამართზე: ქ. თბილისი, ოქროყანა, ინოვაციების ქუჩა #7, სსიპ საქართველოს ინოვაციების და ტექნოლოგიების სააგენტო (ტექნოლოგიური პარკი);

2.5. ანგარიშსწორების პირობები:

2.5.1. სატენდერო წინადადებაში საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებით მიმწოდებლის მიერ გასაწევი ყველა ხარჯისა და საქართველოს კანონმდებლობით დადგენილი გადასახადების გათვალისწინებით.

2.5.2. ანგარიშსწორება მოხდება უნაღდო ანგარიშსწორებით ლარში;

2.5.3. ანგარიშსწორება მოხდება ეტაპობრივად, მიღებული მომსახურების მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 30 (ოცდაათი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

2.5.4. საავანსო ანგარიშსწორება არ გამოიყენება.

2.5.5. დაფინანსების წყარო: 2016 წლის სახელმწიფო ბიუჯეტი.

2.6 ფასწარმოქმნის ადეკვატურობა

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მიმწოდებელი ვალდებულია შემსყიდველის მოთხოვნიდან არაუმეტეს 5 (ხუთი) სამუშაო დღეში დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/ აკრედიტაციის მქონე პირის მიერ გაცემული

საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი);

2.6. პრეტენდენტის მიერ სისტემაში ასატვირთი მონაცემები:

2.6.1. რეკვიზიტები დანართი №2-ის შესაბამისად;

2.6.2. სატენდერო წინადადების ფასი დანართი №1-ის შესაბამისად;

2.6.3 ინფორმაცია, რომ პრეტენდენტს გააჩნია ანალოგიური მომსახურების არანაკლებ 3 (სამი) წლიანი გამოცდილება. (დასტურად უნდა წარმოადგინოს არანაკლებ 3 ხელშეკრულება, რომლის ხელშეკრულების ღირებულება უნდა შეადგენდეს არანაკლებ 100 000 ლარს და გაფორმებული უნდა იყოს 2013-2014-2015 წლებში.)

- სატენდერო წინადადების წარმომდგენი პრეტენდენტი ავტომატურად ეთანხმება ტექნიკური დოკუმენტაციით განსაზღვრულ პირობებს.

პრეტენდენტმა ელექტრონული ვაჭრობა უნდა განახორციელოს პრეისკურენტის სავარაუდო ჯამურ ღირებულებაზე.

პრეტენდენტის მიერ ელექტრონული ვაჭრობის შედეგად სატენდერო წინადადების ფასის შემცირების შემთხვევაში ფასთა კლება პროცენტულად და პროპორციულად უნდა აისახოს ფასების ცხრილებში მოცემული ჩამონათვალის ერთეულის ფასებზე, თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მეასედამდე, შესაბამისად შეამციროს ფასების ცხრილის ჯამური ღირებულებაც.

პრეტენდენტის მიერ დაფიქსირებულ საბოლოო ფასის შესაბამის ფასების ცხრილში მითითებული ერთეულის მომსახურების ღირებულება არ უნდა აღემატებოდეს შემსყიდველის მიერ შესაბამის გრაფაში მითითებული ერთეულის მომსახურების სავარაუდო ღირებულებას, წინააღმდეგ შემთხვევაში მოხდება პრეტენდენტის დისკვალიფიკაცია.

გასაწევი მომსახურების ღირებულება აღებულ უნდა იყოს შესაძლო გასაწევი მომსახურების მიხედვით, ხოლო ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდვეთან“ და იგი არ წარმოშობს მხარეებს შორის რაიმე დამატებით ვალდებულებებს.

მიმწოდებელი ვალდებულია დაზიანებული ნაწილები და დამხმარე/საჭირო მასალები შეცვალოს ახლით, საკუთარი ხარჯებით და პასუხისმგებელია მის ხარისხიანობაზე. პრეისკურანტში მოცემულ საქონელზე უნდა ვრცელდებოდეს არანაკლებ 1 (ერთი) წლიანი გარანტია. საგარანტიო პერიოდში წუნდებული საქონელი მომწოდებელმა უნდა შეცვალოს საკუთარი ხარჯებით.

4. სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციი ტექნიკური დავალებით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ხელშეკრულება № სახელმწიფო შესყიდვის შესახებ (გამარტივებული ელექტრონული ტენდერი) (CPV50700000)

ქ. თბილისი

„—“ „—“ 2014წ.

სსიპ საქართველოს ინოვაციების და ტექნოლოგიების სააგენტო (მისამართი: ქ. თბილისი, სულხან-საბას 9, საბანკო რეკვიზიტები: ანგ. #200122900 სახელმწიფო ხაზინა, კოდი: TRESGE22, სკ-204582521), შემდგომში წოდებული „შემსყიდველად“, წარმოდგენილი მისი თავმჯდომარის ირაკლი ქაშიბაძის სახით სახით და — (მისამართი: — ტელეფონი: —, საბანკო რეკვიზიტები: ანგ. —, — კოდი: —, სკ —) შემდგომში წოდებული „მიმწოდებლად“, წარმოდგენილი მისი დირექტორის — სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარულ დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 შესყიდვის ობიექტი: ელექტრო და მექანიკური სისტემების შეკეთებისა და ტექნიკური მომსახურების (CPV-50700000) სახელმწიფო შესყიდვა გამარტივებული ელექტრონული ტენდერის საშუალებით

3. ხელშეკრულების ღირებულება

3.1 ხელშეკრულების ღირებულება შეადგენს _____ ლარს.

3.2 ხელშეკრულების ღირებულება მოიცავს როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1. მიმწოდებელი ვალდებულია:

- ა) განახორციელოს ხელშეკრულების დანართით განსაზღვრული მომსახურების გაწევა 2016 წლის 01 მარტიდან 2016 წლის 31 დეკემბრის ჩათვლით, მისამართზე: ქ. თბილისი, ინოვაციების ქუჩა #7;
- ბ) უზრუნველყოს მომსახურების გაწევა ტექნიკური დავალების შესაბამისად;
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2. ინსპექტირებას განახორციელებენ -----, რომლებიც უფლებამოსილები არიან ინსპექტირება განახორციელონ როგორც ინდივიდუალურად, ასევე ერთობლივად.

5.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია დაუყოვნებლივ გამოასწოროს წუნი.

6. მომსახურების მიღება-ჩაბარების წესი

მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება ყოველი თვის დასრულების შემდეგ, წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: 2016 წლის სახელმწიფო ბიუჯეტი.

7.2. შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 30 (ოცდაათი) დღის განმავლობაში, მაგრამ არაუგვიანეს 2016 წლის 31 დეკემბრისა. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების ვადების გადაცილების შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების **0.2%-ის** ოდენობით.

9.2. წინამდებარე ხელშეკრულების 5.4 პუნქტით გათვალისწინებული პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების **0.2%-ის** ოდენობით;

9.3 წინამდებარე ხელშეკრულების 7.2 პუნქტით განსაზღვრული ვადების გადაცილების შემთხვევაში შემსყიდველს ეკისრება პირგასამტეხლო ხელშეკრულების ღირებულების **0.2%-ის** ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს

ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2017 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში

იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთა რეკვიზიტები:

შემსყიდველი

მიმწოდებელი



რეკვიზიტები:

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული მისამართი:
4. პრეტენდენტის ფაქტიური მისამართი:
5. საიდენტიფიკაციო კოდი:
6. პრეტენდენტის ტელეფონის ნომერი:
7. ელექტრონული მისამართი:
8. ბანკის დასახელება:
9. ბანკი კოდი:
10. ანგარიშსწორების ანგარიშის ნომერი:

პრეტენდენტის ხელმოწერა (თანამდებობის მითითებით) და ბეჭედი:

